



COMUNE DE FRUSSIO

PREMIU de POESIA

"S'Isciareu" Augusto Piras



BANDU DE CUNCURSU

Su premiu de poesia "S'ISCIAREU" naschet in Frussio cun s'intentu de istituire, fintzas in Pianalza, un'importante ricurrentzia culturale netzessaria po torrare a sas raighinas de unu populu che-i su nostru chi possedit una limba de caratore e de poesia.

SETZIONES

Su premiu previdit tres setziones, duas a tema liberu e una a tema impostu

- Sa prima est titulada: "SONETOS INEDITOS": su poeta depeit imbiare unu soneto solu. Si 'enit imbiadu pius de unu soneto, su poeta 'enit esclusu da e su concursu.
- Sa sigunda est titulada: "OTADAS": sas otadas depen essere a su massimu batoro e unidas in su matessi tribagliu (poesia). Si 'enit imbiadu pius de unu tribagliu, su poeta 'enit esclusu da e su concursu.
- Sa telza setzione est riservada a sas iscolas siguandarias de primu gradu de sa Pianalza e Montiferru cun su tema: "**Sos fogos de triulas**". S'opera comprendet unu disignu acumpanzadu da una poesia in saldu e devet essere imbiada a su Comune de Frussio in forma digitale (word 12) intro de su **20.01.2022**.

PRESENTAZIONE DE SAS POESIAS

Sos tribaglios depen arrivare, in **6** copias, a sa segreteria de su Comune de Frussio, (09090 OR) via Nazionale n.43, intro de sa data de su **31 de nadale de su 2021** - faghet fide su timbru postale - e

depen essere frimados cun d'unu numene inventadu o paralumene e serrados in d'una busta manna chi a fora depet tennere inditadu sa setzione de partecipatzione. Intro sa busta manna depet essere posta una busta piticca, serrada, cun sas generalidades de su poeta, s'indiritziu de domo e su numeru de telefono (cellulare), E-mail.(posta elettronica, si si tenet, ma non est obligatoria).

Si poden imbiare sos trabàgljos, iscritos in word, finas a s'indirizzu de posta elettronica concorsopoesiasisciareu@comune.flussio.or.it, inditende in s'oggetto sa setzione chi cheret partecipare, mandende una copia cun-d-unu numene inventadu o paralumene e un'atera copia cun sas generalidades de su poeta, s'indiritziu de domo e su numeru de telefono (cellulare), , mail (posta elettronica, si si tenet, ma non est obligatoria).

Po motivos ligados a sa publicatzione est agradiessida, ma non est obligatoria, sa traduzione in italiano. Si rendet obbligatoria pro su tabarchinu e su catalanu.

AVERTENTZIAS

- Sas poesias non depen essere bistadas premiadas in ateros concursos o mustraduras e nemancu publicadas.
- A leare parte a su cuncursu est a s'indonu e non benit pedida tassa peruna.
- Un'autore podet leare parte finas a ambas setziones ma cun tribaglio divrescios.
- Sos tribaglios non benint torrados e su Comune de Frusso si reservat ogni diritu de los pubblicare, finas in sa radio, in televisione o internet, chentza pagamentu perunu de diritos. S'autore abbarrat proprietariu de su tribagliu chi at iscritu.
- Leare palte a su cuncursu cheret narrere chi si atzetant totu sas regulas de su bandu.
- Sunu ammissos a su Premiu tribaglio iscritos in-d-ogni variedade de sa limba sarda.

PREMIOS

Sos poetas premiados an a retzire unu premiu in dinari a segundu de sas possibilidades de s'Amministrattione Comunale e sos poeta mentionados an a retzire unu pignu locale.

Sos poetas assentes chentza motivu no an a retzire sos premios assignados chi abbarrant de propriedade de su Comune de Frusso.

Sa data de sa premiatzione at a essere pubblicada in su situ de su comune de Frusso e in su situ de Luigi Ladu.

Totu sos binchidores an a essere avisados cun tempus. Est aggradessida sa presentzia de totu sos partecipantes a su cuncursu. A pustis de sa premiatzione in su situ Internet de su Comune de Frusso: www.comune.flussio.or.it. An a essere pubblicados sos tribaglios premiados.

-----o 0 o-----

**Bos saludamos de coro e ischedas chi sa vida e sa fama de su Premiu "S'ISCIAREU"
dipendet dae sos versos bostros e dae sa presentzia e partecipatzione 'ostra.
Torramos grascias e bos saludamos.**